



Esp. kodea: 2025HPOA0001
Titularra: ARRASATEKO UDALA

Gaia: HAPoren LEHEN ALDAKETA PUNTUALA
(ZALDUSPE) / PRIMERA MODIFICACION
PUNTUAL DEL PGOU (ZALDUSPE)

4. PARTE HARTZE PROGRAMA

SARRERA

2/2006 Legeak 8. artikuluan ezartzen du herritarren parte hartzearen printzipioa, eta 108. artikuluan erregulatzen du herritarrek partehartzeko programen nolakotasuna. Bestalde, 46/2020 Dekretuak 3 artikuluan zehazten du plan orokorra aldatzen hasteko hasierako erabakiarekin edo ebazpenarekin batera, parte hartzeko programa bat onartu behar dela, zeinek behar adina helburu, estrategia eta mekanismo ezarriko dituen herritarrek eta elkarteek parte hartzeko eskubidea izan dezaten

Hortaz, plan orokorraren aldaketa puntuala egiteko, herritarrek parte hartzeko programa bat zehaztu behar da.

Parte hartze programak 46/2020 Dekretuko 3.2 artikuluan eskatzen den edukia izan behar du, gutxienez. Eta gainera, jaso beharko du genero ikuspegia honako araudia betetzeko: 46/2020 Dekretuaren 2.d artikulua; Euskadiko Toki Erakundeei buruzko 2/2016 Legea; eta emakumeen eta gizonen berdintasun eragingarrirako 3/2007 Legea, zeinak 31.3 artikuluan jasotzen duen administrazio publikoek kontuan hartuko dutela genero ikuspegia, hiri diseinatzean, hiri politiketan, hirigintza plangintza definitu eta exekutatzean horretarako erabiliz, bereziki, mekanismo eta tresna batzuk sustatu eta bultzatuko dituztenak herritarren parte hartzea eta gardentasuna.

HELBURUA.

Programaren helburua nagusia, aldaketa prozesuan herritarren parte-hartzea sustatzea da, hirigintza kultura sustatuz eta adostasunak lortuz. Hiri Antolamenduko Plan Orokorraren edozein esparruren idazketan eta onarpenean parte-hartze aktiboa izatea funtsezkoa da planak herriaren eta, era berean, herritarren beharrak eta nahiak islatuko dituela bermatzeko, bai eta prozesuaren gardentasuna eta zilegitasuna sustatzeko ere.

Horretarako, estrategia bat jarraituko da, beharrezko mekanismo eta tresnak inplementatuz, ahalik eta herritar gehienek parte hartu dezaten.

GIDA

Kontuan izanik 2/2006 Legearen 87. artikulua zehazten duena, alegia, plan orokorraren aldaketa puntuala egin nahi den kasuetan aurrerakina egitea aukerakoa dela, eta kontuan izanik alde aurreko azterlana, kontsulta eta diagnostikoa mugikortasun planean eta herri-galdeketa eginda daudela dagoeneko, ez dago aurrerakinik egin beharrik.

Kodea	J25/03240	Udala	Arrasate/Mondragón	
CUDO	000.0055.AAA1BV3V.K.Jbcg			
URL	https://uzt.gipuzkoa.eus/PortalV/r/eu/55/AAA1BV3VK.Jbcg			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia.				



Esp. kodea: 2025HPOA0001
Titularra: ARRASATEKO UDALA

Gaia: HAPoren LEHEN ALDAKETA PUNTUALA
(ZALDUSPE) / PRIMERA MODIFICACION
PUNTUAL DEL PGOU (ZALDUSPE)

Hori horrela 7 fasetan banatzen da proposaturiko partehartze prozesua.

0 FASEA:

Udalak, 2024an landutako Mugikortasun Planaren baitan, autobus geltoki berriaren kokapena aukeratzeko herri-galdeketa prozesua martxan jarri zuen, Udal Gobernuak herritarren erabakia errespetatzeko konpromisua hartuz. Bozketaren erabakia loteslea izateko, gutxieneko bi baldintza zehaztu ziren, gutxieneko parte hartze portzentajea %30koa izatea eta bi aukeren arteko gutxieneko aldea %10ekoa izatea.

Bozketarako bi kokapenetarako aukerak aurkeztu ziren: bata Laubiden eta bestea Zalduspen. Bi aukerentzat alde positibo eta negatiboak aztertu eta argitaratu ziren herritarren informazioa eta aukeraketa ahalik eta arrazoituen eta aberatsena izateko.

Bozketa, Arrasaten erroldatutako 16 urtetik gorako herritar guztientzat zabalik egon zen 2024ko azaroaren 11tik 16ra bitartean, BAZ-en. Ondoren, 2024ko azaroaren 18an, botoak zenbatzeko hirigintza batzorde berezi batera deitu zen Pleno aretoan.

Guztira 4.268 arrasatearrek parte hartu zuten geltokiaren kokapena aukeratzeko galdetegian, hautesle erroldaren % 21,86ak hain zuzen, gutxienekoa % 30a izanik. Emaita ondorengo izan zen:

Zalduspe: 3.159 boto (bozen %74,2)

Laubide: 1.102 boto (bozen %25,8)

Zuriak: 2 boto

Baliogabeak: 5 boto

Galdeketa emaitza kontuan hartzeko gutxieneko baldintzetako bat bete zen, baina bestea ordea ez. Hala ere, emaitza politikoki loteslea izan ez bazen ere, herritarren parte hartzea kontuan izatea erabaki zen behin betiko kokalekua aukeratzeko orduan, eta horrela jaso zen 2025an onartutako mugikortasun planean.

1 FASEA. ALDEZ AURREKO KONTSULTA: INFORMAZIOA ETA DIAGNOSTIKOA

Kontsulta publiko bat egingo da, herritarren eta entitateen proposamenak eta iritzia biltzeko, Arrasateko Zalduspeko behin betiko autobus geltokiaren eta inguru hurbilaren urbanizazioari buruzko iradokizunak planaren berrikustean kontuan hartu ahal izateko.

Iradokizunak inkesta edo galdetegi mekanismoen bidez jasoko dira, eta edukia hiru azterketa multzo nagusitan banatuko da herritarrentzako ulergarria izango den formatuan, eta parte-hartze erraza eta jendetsua bermatzeko.

Autobus geltokia

Kodea	J25/03240	Udala	Arrasate/Mondragón	
CUDO	000.0055.AAA1BV3V.K.Jbcg			
URL	https://uzt.gipuzkoa.eus/PortalV/r/eu/55/AAA1BV3VK.Jbcg			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia				



Esp. kodea: 2025HPOA0001
Titularra: ARRASATEKO UDALA

Gaia: HAPoren LEHEN ALDAKETA PUNTUALA
(ZALDUSPE) / PRIMERA MODIFICACION
PUNTUAL DEL PGOU (ZALDUSPE)

Autobus geltokiaren ingurua

Autobus geltokira bidea

Udaleko webgunean Zalduspeko prozesuari dagokion espazioa zabalduko da, eta bertan, parte-hartze prozesuari buruzko dokumentazio guztia eskuragarri jarriko da. Edonola ere, arrakala digitala saihesteko baliabideak herritarren eskura jarriko dira.

Parte hartzea aurrera doan heinean, udal taldeak emaitzak aztertuko ditu eta ondorioak aterako ditu diagnostikoa prestatzen joateko, eta somatzen diren beharren arabera, parte hartzea moldatu ahal izango da.

Lehenengo fasea parte hartzearen emaitzekin ateratako diagnostikoa eginda bukatuko da eta udalaren webgunean eta hedabideetan zabalduko da.

2 FASEA. DOKUMENTAZIOA PRESTATZEA

Aldez aurreko partaidetzaren emaitzen diagnostikoa egin ondoren, aldaketa puntualaren dokumentazio teknikoa prestatuko du talde idazleak, eta udal plangintzako aholku batzordeak aztertuko egingo du, txosten bat egitearekin batera. Helburua da kontseiluak aholkularitza eta deliberazio lana egitea, gizarte kontzertazioko funtzioak betetzen direla bermatzeko eta, aldi berean, hirigintza planaren aldaketa puntuala idazteko jarraituko diren irizpide eta helburuetarako ekarpenak egitea.

3 FASEA. INGURUMEN EBALUAZIOA

Udalak ingurumen organora honako dokumentazioa bidaliko du: ingurumen ebaluazioari hasiera emateko eskabidea, ingurumen dokumentu estrategikoa eta plan orokorraren aldaketa puntuala jasotzen duen dokumentua.

Ingurumen organoak eraginpeko administrazio publikoen eta pertsona interesdunen kontsulten mende jarriko du espedienteak, iritzia eman dezaten hilabeteko epean, eskaera egiten denetik hasita, ingurumen ebaluazioari buruzko oinarritzko araudi sektorialean aurreikusitako baldintzetan. Ondoren, Ingurumen organoak ingurumen txosten estrategikoa egingo du, bi hilabeteko epean, espediente osoa jasotzen duenetik hasita, eta, kontsulten emaitza kontuan hartuta, erabakiko du planaren aldaketak ingurumenean ondorio nabarmenak dituen edo ez.

Aldaketaren dokumentuak ondorio nabarmenik balu, txostenak xedatuko du aldaketa ingurumen ebaluazio estrategiko arruntaren mende jarri behar dela. Ingurumen organoak ingurumen azterketa estrategikoaren irismen dokumentua egingo du eta udalari jakinaraziko dio.

Ondorio nabarmenik ez badu, ordea, ingurumen organoak txostena onetsi eta Gipuzkoako aldizkari ofizialean argitaratuko da 4. fasera pasatzeaz batera.

Kodea	J25/03240	Udala	Arrasate/Mondragón	
CUDO	000.0055.AAA1BV3V.K.Jbcg			
URL	https://uzt.gipuzkoa.eus/PortalV/r/eu/55/AAA1BV3VK.Jbcg			
Dokumentu hau elektronikoki sinatu da. Honen balioa egiaztatzeko, sartu zaituzte webgunean edo irakurri ezazu QR irudia.				



Esp. kodea: 2025HPOA0001
Titularra: ARRASATEKO UDALA

Gaia: HAPoren LEHEN ALDAKETA PUNTUALA
(ZALDUSPE) / PRIMERA MODIFICACION
PUNTUAL DEL PGOU (ZALDUSPE)

4 FASEA. HASIERAKO ONESPENA

Planaren hasierako onespenerari dagokion jendaurreko erakustaldiaren tramitea martxan jarriko da, araudiak hala eskatuta. Tramite horren berri, webgunean, Gipuzkoako Aldizkari Ofizialean eta hedabideetan emango da. Jendaurreko epea berrogeita bost egunekoa izango da.

Era berean, prozeduran edozein modalitatetan parte hartu duten erakunde edo eragileei jakinaraziko zaie hasierako onespenerako erabakia. Eta, bestalde, sektoreko eskumenak dituzten administrazio publikoei onespeneraren berri emango zaie beharrezko txostenak egin ditzaten.

Hasierako onespenerako dokumentuak exekuzio-laburpen bat jasoko du. Dokumentazio dena udal webgunean eskuragarri jarriko da.

Bestalde, informazio bilera bat ere antolatuko da interesdun guztientzat planaren hasierako onspen agiriaren berri emateko. Bileran beharrezkoak izan daitezkeen tresnak eta mekanismoak martxan jarriko dira edukia azaltzeko eta jendearen alegazioak jasotzeko. Ekimenaren berri udaleko webgunearen eta hedabideen bidez emango da. Bileran, haurren zein adinekoen zaintzaileak ere ongi etorriak izango dira. Bereziki erreparatuko zaie emakumeen iritziei.

5 FASEA. BEHIN-BEHINEKO ONESPENA

Planaren aldaketa puntualaren behin-behineko onspena argitaratuko da, eta erabakiaren edukia eta onartutako planaren edukia udalaren webgunean, Gipuzkoako Aldizkari Ofizialean eta hedabideetan argitaratuko dira. Edonola ere, erantzun arrazoitua emango zaie hasierako onspenerako jendaurreko tramitean egindako alegazio guztiei.

Behin-behineko planak aurrera egiteko, EAEko Lurralde Antolamendurako Batzordeak txostena egingo du, 3 hilabeteko epean, eta era berean, Ingurumen organoak, ingurumen adierazpen estrategikoa prestatuko du 2 hilabeteko epean.

Txostenaren eta ingurumen adierazpen estrategikoaren emaitzekin, udalak, hala badagokio, behar diren aldaketak egin eta planaren aldaketa puntuala behin betiko onesteko erabakia hartuko du.

6 FASEA. BEHIN BETIKO ONESPENA

Planaren aldaketa puntuala behin betiko onartu eta argitaratuko da, udal webgunean, Gipuzkoako Aldizkari Ofizialean eta hedabideetan. Gainera, behin betiko onartzeko dokumentuak exekuzio-laburpen bat jasoko du.

Halaber, informazio bilera bat antolatuko da interesdun guztientzat planaren aldaketa puntualaren behin betiko onspen agiriaren berri emateko. Bileran, beharrezkoak izan daitezkeen tresnak eta mekanismoak martxan jarriko dira edukia azaltzeko. Ekimenaren berri udaleko webgunearen eta hedabideen bidez emango da.

Kodea	J25/03240	Udala	Arrasate/Mondragón	
CUDO	000.0055.AAA1BV3V.K.Jbcg			
URL	https://uzt.gipuzkoa.eus/PortalV/r/eu/55/AAA1BV3VK.Jbcg			
Dokumentu hau elektronikoki sinatu da. Honen balioa egiaztatzeko, sartu zaitetz webgunean edo irakurri ezazu QR irudia.				